

# نشطاء عن خطاب الرئيس مرسي: "الرئيس فعل كل ما يستطيع لإنقاذ الثورة" وعلينا عبء المواصلة"



الاثنين 19 يناير 2015 12:01 م

## نافذة مصر

أشعل خطاب السيد الرئيس الدكتور محمد مرسي بالمحكمة صباح أمس الأحد مواقع التواصل الاجتماعي بتعليقات كثيرة بين مؤيد ومعارض إلا أن أغلبها قدم التحية للرئيس على شجاعته وثباته وصموده، وأثنى على مواقفه التي اتخذها إبان فترة حكمه

وأوضحت التعليقات أن الرئيس فعل كل ما يستطيع من أجل انقاذ مصر من براثن عصاة الفساد في الجيش والشرطة وباقي المؤسسات لذلك لم يكن هناك بد من الانقلاب عليه من قبل قادة الفساد في تلك المؤسسات

**حيث علق الدكتور ياسر نجم على صفحته على موقع التواصل الاجتماعي "فيسبوك" قائلاً:**  
تخيل لو كان مرسي صرح الشعب وهو في الحكم وعرفه بالآتي:

- ان قيادات الجيش متورطة في قتل المتظاهرين فى ثورة يناير
- ان المخابرات توأطأت مع الجيش وأخفت الأدلة اللى تثبت تورطه
- ان الداخلية هي اللى فتحت السجون
- اننا هانحاكم كل المسؤولين عن كشوف العذرية وعارفينهم بالإسم
- ان الشرطة كانت بتنزل بلطجيتها يعتدوا على المعتصمين
- ان أمن الدولة كان يخطط المصابين من الثوار من المستشفيات
- ان فيه مواطنين كثير الجيش خطفهم وخباهم ولحد دلوقتى مانعرفلهمش طريق
- ان المواطنين الشرفاء اللى كانوا بيعتدوا على المتظاهرين دول مأجورين من الجيش
- ان المدرعات بتاعة الجيش توأطأت مع المجرمين في موقعة الجمل

مش بدمتك كان زمان الشعب وكمان الثوار وقفوا جنبه وحموه وكانت الثورة انتصرت وماكانش بقينا في المصيبة اللى احنا فيها دلوقتى!!!؟؟؟

طب ايه رأيك يا حيلتها ياللى عايش في مية البطيخ ان الكلام ده كله أعلن ونشر في جميع وسائل الإعلام الرسمية بالنص والحرف زى ما هو مكتوب فوق كده وانتشر ان دى نتايج تقرير لجنة تقصي الحقائق اللى شكلها مرسي وانتشر ان النيابة العامة هاتحقق في الجرائم دى وهاتتم محاكمات بناء على النتائج دي ومرسي كان عامل حساب ده من قبلها ومأسس حاجه اسمها (نيابة الثورة) تتخصص فقط في الجرائم دى (ثوار الغبرة نزلوا ضدها في هوجة الإعلان الدستوري وتم الغاءها بعد الانقلاب اللى حصل على أكتافهم)...

ها ؟

حصل ايه لما اتنشر الكلام ده ؟

حصلت مذبحة سجن بورسعيد

حصل حظر التجول اياه بتاع مدن القناة والشعب نزل يتحداه بماتشات الكورة  
حصل حذف الإتحادية بالمولوتوف  
حصل رفض الثوار اياهم الحوار مع مرسي رغم محاولاته العديدة  
حصل هجوم بشع على الفضائيات ضد مرسي  
حصل حصار لمكتب النائب العام اللي المفروض يحقق في الكلام ده ومابقاش عارف يدخل الحمام  
حصل اتحاد من القضاة اللي المفروض هايحكموا بناء على النتائج دي لإسقاط مرسي  
حصل ان الثوار اياهم نزلوا يهتفوا ضد أخونة الدولة وحكم المرشد  
حصل الهجوم على مقرات الإخوان وحرقتها وقتل من فيها  
حصلت تمرد  
حصل انقلاب

ادي الشعب اللي وقف جنب مرسي لما عرف الحقايق دي  
بس سيبك انت أهم حاجه ان مرسي قال: عندنا رجالة زى الذهب

وأضاف في تدوينة أخرى :

معلومة لطيفة برضه للإفادة تقرير تقصي الحقائق اللي مرسي اتكلم عليه ده وحوله للنائب العام ماييدنيش السيسي بس بقتل المتظاهرين في التحرير بيدين أعضاء المجلس العسكري بالكامل والمخابرات العامة بالكامل والمخابرات الحربية بالكامل والشرطة بالكامل في كل وقائع الثورة مش بس ميدان التحرير  
- تذكرة (1)..النائب العام اللي اتحول له التقرير اللي بيدين كل دول قضى الكام شهر اللي فضل فيهم في المنصب ومكتبه متحاصر وما بيعرفش يدخل الحمام حتى والمدانين فى التقرير ده هم اللي كانوا ورا الحصار  
- تذكرة (2) .التقرير ده اتقدم لمرسي بعد كام أسبوع من (علقة الإعلان الدستوري) ودستور 2012..والفضائيات كانت لسه مولعة عن الرئيس الديكتاتور وحكم المرشد اللي عايز يهدم مؤسسات الدولة المصرية والمولوتوف كان لسه بيتحذف على الإتحادية وقت تقديم التقرير  
- تذكرة (3)..في الوقت اللي التقرير ده اتقدم لمرسي (يناير 2013) كان الإستعداد على قدم وساق للعصيان المدني ضد مرسي وحكم مجزرة ستاد بورسعيد في نفس الشهر واللى أسفر عن أحداث السجن وحظر التجول في مدن القناة (واللي الجيش كان المفروض بينفذه) ...  
- تذكرة (4)...منذ فبراير 2013..والأصوات تتعالى تنادي الجيش و(السيسي) لإنقاذ البلد من حكم الإخوان وأعقبها في ابريل لقاء السيسي الشهير بالفنانين والإعلاميين واللي طالبوه فيه بده صراحة وقال لهم: اصبروا اصبروا كل شىء بأوان  
ومن ساعتها بدأت حركة تمرد والتحضير من جانب كل الأجهزة السيادية ل30 يونيو وسط دعاية إعلامية غير مسبقة  
- مرسي حاول يجس نبض باقى أعضاء المجلس العسكري أن يخلف أحدهم السيسي فمالقاش منهم غير كل تضامن مع السيسي  
وزى ما مرسي قال: رجالة من ذهب  
السيسي قال: لو الجيش عمل انقلاب البلد دي هاتتخلف 30-40 سنة لورا  
ولا ده كان قصده انهم رجالة من ذهب ولا الثاني كان قصده انه مش هايعمل انقلاب كل واحد فاهم الثاني لكن واحد كان معاه أسلحة الدولة كلها والثاني مامعوش

ده بس علشان الناس اللي بترغي وتقول: ازاي يكتفى بتحويل التقرير للنائب العام ومايشيلش السيسي !!!؟؟ ازاي فضل ساكت 6 شهور !!!  
ويطلع واحد من تحت البطانية يقول لك: مرسي خاين وعامل صفقة مع العسكر  
الكلام على قهاوي الفيس بوك سهل

فيما علق الناشط زياد التابعي قائلا:

(واحد )

الحل رقم 1

إنتظار إثبات نيابة الثورة ماورد في التقرير ... فعل يليق بدولة مؤسسات و نخب وطنية وشعب واعى ...  
لقد كنت سيادة الرئيس في مكانك ولكن في غير زمانك ...

الحل رقم 2

عزل المجلس العسكري وتقديمه للمحاكمة ... محور الشر ( الثورنجية - الأعلام - الأحزاب - الجهلاء ) تظاهرات ضد أخونة الجيش ... الجيش ينحاز للشعب ... إنقلاب عسكرى  
ومحور الشر يتكلم عن مرسي المنذفع الغير سياسي , وليته إنتظر تحقيقات النيابة فينقذ البلد من إنقلاب هو المتسبب



. ما هي سلمية الاخوان هي السبب !!!!  
. الاخوان ما عندهم سلاح .. ولو عندهم مش هایشلوه , انت عاجبك اهلا وسهلا وادينا معاهم لحد ما يقضى ربك أمرا  
كان مفعولا .. مش عجبك السلمية , انزل اشترى سلاح وابدأ بنفسك او لو معاك رقم #البغدادى ابعتله رسالة SOS  
باتنين جينى  
#كفاه\_تنظير  
#انزل\_الملعب  
لم يكن فى الامكان افضل مما كان .. ورينا انت بقا شطارتك بس مش على انت

### وقال الناشط محمد عبدالخالق

طيب هو ليه مثلا الدكتور مرسى مشالش السيسى زى ما شال طنطاوى وجاب صدقى صبحى ولما يكتشف انه من  
العصابه يشيله ويجيب حجازى ولما يعرف انه ابن \*\*\* يشيله ويجيب وصفى ولما يظهر انه \*\*\* يشيله ويجيب واحد تانى  
ونفضل كده ندور على واحد عدل وسط عصابه متغلغل فيها الفساد من عشرات السنين لحد ما نجيب ملازم اول يبقى وزير  
دفاع □

وبعدين هو اى رئيس منتخب فى اى دولة بياخد صلاحياته مين هتقولى من الدستور و القانون طيب اذا كان تنفيذ  
القانون فى ايد الداخليه والقضاء واللاتين اوسخ من بعض واذا كانت القوة الى هى الجيش الى المفروض ان الرئيس القائد  
الاعلى ليه هو فى الحقيقه عصابه واذا كان الاعلام فى ايد الفسده والاوساخ □

واذا كان الرئيس لما حاول يرجع السلطه التشريعيه وقفوا ضده وانت قاعد على الفيس, ولما حاول يعمل اعلان دستورى  
علشان يقدر يحارب بيه المؤسسات الى كلها ضده بقى ديكتاتور ومش ديمقراطى وانت قاعد على الفيس, ولما رفض  
الاذعان والرضوخ للمؤامره الى حيكت ضده اتسجن وبتحاكم وبتتلفقه قضايا وانت قاعد على الفيس □

اقولك حاجه انا مش عاوزك تقف معاه ولا عاوزك تبطل قعده على الفيس انا عاوزك بس لما تيجى تجدد رخصتك تشوف  
نفسك وانت بترشى و \*\*\*\* لكل الموظفين والضباط □ وتسال نفسك انت ليه ميتقفش كده زى الراجل وتزعق بعلو حسك  
وتقول ده حقى القانونى انى اجدد رخصه ومش هرشى ولا \*\*\*\* لحد لما تعمل كده ابقى ادخل واشتم فى الناس الى  
كانت عاوزة تعملك كرامه بس الكل كان ضده وانت ساعتها كنت قاعد على الفيس بعد كده ابقوا رشحوا نفسكوا للرئاسه  
يا عم الذكر انت وهو طالما القياده فيكوا بس ربنا هاديكوا